

小倉山房詩集

小倉山房詩集卷二十二

庚寅辛卯

錢唐袁枚子才

高制府據鞍習勘圖二首

牙纛三江靜沙隄匹馬行宮袍春柳色玉鐙曉風聲  
恩重心忘老勞多體覺輕停鞭想何事強半爲蒼生  
郎君裁總角膝下簇金鞍爲國馳驅意教兒仔細看  
鵬風須萬里捧日到雲端從古凌烟閣丹青兩代難

二月二十一日紅杏半開劉養園進士移尊隨園  
招全定恆禪師魯南莊明府范荔江學博徐雨亭  
明經分韻得有字

杏花一笑紅破口知有詩人來置酒將賓作主主爲賓

卷二十一  
世事參差無不有，劉安萬里黔陽來。不獨愛花兼愛友，  
近攜蕭寺紫衣僧。遠覓詩壇陶謝手，入山裨闕遲談鋒。  
佳句高吟人某某，其日東風吹不休。疎蕊繁枝開八九，  
朱簾有影漾仙霞。細雨無聲潤碧柳，虛此良會心悄悄。  
一客分吟詩一首，我向劉安莞爾言。主更乞賓賓允否，  
業已飲君酒百壺。還想分君才一斗。

方次耘公子招賞牡丹卽席賦謝

郎君才調古終童，穉齒能招白髮翁。千片霓裳初著雨，  
一枝玉樹正迎風。堂因肯構春常早，花爲臨池水亦紅。  
嘆息蘇夔真有子，老懷傾盡酒杯中。

記得初逢小鳳皇，抱來爭及牡丹長。風前摩頂渾如昨，

舊裏懷人又幾霜尊人立峇委化四年兩代交情花領畧半欄燈

影夢悠揚天公也似留賓者鎮日淋浪雨萬行

溫皆山吏部從江右入都過白門話舊

柴門有客髮璿璿小住巾車半日談道對落花行不得

故人一個在江南

長安此去路重經爲祝蒿呼馬不停三十五年前進士

要談天寶與誰聽

岳水軒燒丹圖

盤古忽然死洪荒人一驚不料此例定千年難變更女

媧欲救之煉石聲磳磳神農欲救之嘗草口不停伏羲

欲救之畫卦欲說不說口咿嚶黃帝聰明驟然笑何必

旁門探元妙轉夜作晝豈無燈將人成仙自有道造化  
來生我此權天所操造化既生我此身天已交君不見  
防邑已賜敕武仲據之尚且將君要何況自家性與命  
守之果固誰動搖勿從去處留但從來處取能將後天  
捨自有先天與水軒先生悟此機行年七十如嬰兒蒲  
團獨坐燒紫炁白毫光色冲青天龍騰雲而下降虎駕  
浪以飛鸞寓言十七卮言十九道書從古無其詮此義  
茫茫向誰語口不能宣且付畫畫上題詩誰絕倫黃海  
神仙方道人黃山人方自  
然年百歲餘我無碧虛骨又無服散方蓬  
山一小謫人間三十霜作登遐頌懷孔子讀養生論笑  
嵇康覽君圖覺君好勸君珍秘枕中寶莫將此義被天

知恐教十二萬年天不老

左臂痛

兩臂如雙槩無端弱一枝癖從左氏得書與右軍宜嬖  
妾雖堪擁霜蠟難自持平生偏袒處想被汝先知

傅文忠公輓詞

捧日雍容三十年一朝星隕紫薇邊恩雖外戚才原大  
病爲南征死更賢忍見聖躬親奠酒更無內相力回  
天夕陽望斷貂蟬影羽騎黃門盡黯然

得夕見者  
惟公一人

少年曾作霍嫖姚洗甲金川賦早朝銅柱千尋留絕域  
天章九錫下丹霄百官諾諾階前立甲第沉沉海樣遙  
如此榮華如此福和平兩字總能消

遲却南蠻奏凱歌  
竟勞上將走滇河  
旋軍事類趙充國  
曳足人哀馬伏波  
烟瘴那知公相貴  
天威終到鬼方多  
送公魂入昭忠廟  
小阮猶提殺賊戈

謂明忠烈公

下士無端哭上公  
此身雖賤感恩同  
談深各倚宮門柳  
手握難忘玉殿風  
白髮平生春夢遠  
青天一望慶雲空  
陰鄉侯去黃羊冷  
腸斷南陽老敬通

公愛誦枚哭襄勤伯詩  
一聯云男兒欲報君恩重  
死到沙場是善終  
蓋亦識也託尹制府聘爲記室  
枚不能行感舊懷恩再書一首

身染蠻烟返帝鄉  
可知枕席卽沙場  
南州稚子身雖隱  
每引恩知必越疆

送劉石菴觀察之江右

莽莽山萬重，惟嶽凌宇宙。蒼蒼樹萬枝，惟松挺堅瘦。四  
序雖平分，五行有獨秀。人胡獨不然，但觀所秉受。觥觥  
石菴公，實應金精宿。神羊不受羈，祥麟豈在囿。其剛玉  
莫磷其清石，可漱初聞領。丹陽官吏齊，縮脰光風吹。一  
年權戀極，老幼先聲將。人奪苦志將，人救抗上聳。強肩  
覆下紆，綬袖張口輒。詆嫗上手多，寬宥姦豪旣。帖柔狐  
鼠亦俯伏，救災如救焚。除弊如除垢，殷然愛才心。白首  
還如舊，視學上下江。所拔多薪樵，今雖仰皐比。鰲才猶  
輻輳，碩榮去未幾。宗鮑昭來復，又鐘六一先生貧。三千  
弟子富，卽如山中氓。半面尚未覩，客秋當此時。蜚語羣



相嗾道公逐李斯不許少留逗諸生弔於門山鄰餞恐  
後我未奉伍符姑且儲糧糗故鄉歸亦佳內省終無疚  
果然逢僞言風影皆訛謬匪徒免鞭驅兼且通蘭臭南  
國有表章羣儒已製就公獨掉頭言必須某結構自慚  
石鼓頑忽被桐魚叩妄將下里音強擬鈞天奏公竟矜  
寵之逢人夸錦繡惜惜知已恩熙熙辦香祝一朝簡  
帝心授玉節西走甘棠枝可攀膏雨澤難畱人人愛依  
劉聲聲思借寇賤子抱區區一言陳左右送公旌遠行  
望公德日茂公以天人姿而兼宰相胄高如冰鑑懸那  
有吞舟漏寧可察之詳慎毋發之驟猛如萬鈞弩所貫  
無不透但慮未中節不愁不滿鼓已褰賈琮帷可免葉

公曾能爲李橫衝何妨伏不圖氣斂理益明業廣福彌  
厚黃堂雖始基黃扉將肯構祿位奚足矜助名自可壽  
豈徒繼家聲兼以答我后

題黃樓春望圖寄懷小坡觀察

十八年來別三秋夢未忘忽從圖畫裏驚見鬢毛蒼莽  
莽河流急妻妾碧草芳黃樓誰獨立使者愛春望舸艤  
連雲起鷗鷺帶水翔牙旗花外山羽蓋柳邊藏九牧鬢  
淮泗千崖束呂梁孤城明月落古塔晚烟颺豈獨資悲  
眺兼知作保障元珪祀河伯聖鐵擲龍堂未雨綢繆極  
將秋火急防樓無唐燕子隄有漢宣房王景塢流法韋  
堅轉漕方掉頭時嘿想叉手苦裁量西楚畱遺跡東坡

寶首創後先名字應彼此令聞彰

公夢東坡而國事雙生故字小坡

肩任精神八面當閒騎小步馬高揚大風章水怪招蒼

兕神威走白狼如何觀察豸翻舉督郵蝗印去仍來匣

衙辭更引嗔浪難搖砥柱天為掃風霜

公以捕蝗事被劾上仍還其

官尺素求題咏丹青遠寄將雲藍三丈紙黃竹一偏箱

未握義之筆先遮賜也牆官尊圖亦大屋小畫能妨憶

逐旌麾後同驅鍾阜旁肩輿聲軋軋手板影低昂白社

風前笛青溪雨後觴廿年晉甲子兩個魯靈光玉貌都

非昔滄桑盡改常陶潛兒長大

西沈約墓荒涼補嘆逝

增惆悵懷人剩老狂山雖容我隱身尚學公忙疊石如

防險塞菱為插秧池開非

子艇泊卽風檣養鶴符支

俸藏書室號倉芭蕉彈更茂月桂斫彌香謝尚甘邱壑  
姚期稱廟廊不知千里目望可見江鄉

知更枕歌爲徐椒林作

一更一更枕中起似有司更藏枕底翠壺失職已千年  
此枕胡爲尚爾爾相傳製者漢孔明法應軍中刁斗聲  
丞相身亡枕亦去世間愛睡無人聽壽春掘地得瓷器  
范形似枕光奇異隱隱花枝錦牡丹沉沉綠暈浮兵氣  
凹處堪容一虎頭兩旁隆起承兜牟想見將軍側耳臥  
蝦蟆萬點傳清秋徐公得之作奇賞我爲摩挲發遐想  
漢有記里鼓驚父亭公路可數唐有知時鐵王商五漏  
俱堪測趙家別有六更天劫轉紅羊事可憐從來神物

原無偶得佩龍泉恰有緣于今扣枕枕忽啞徐公掉首  
疑其假我代此枕陳一辭從來語默須知機君不見四  
海清寧夜悄悄銀箭金壺爭報曉枕再多言公亦惱

喜楊九宏度從邛州來卽事有作

一枝梅花開萬里故人至梅花才隔年故人已隔世憶  
昔丙辰年京師首善地海內梟俊來綺裳而聯襪各抱  
雲龍懼各樹蟠垣幟亡何年復年落落晨星繫公然我  
二人牛斗雙龍氣滄海剩遺珠高松畱晚翠黃髮旣已  
親碧醪寧辭醉新詩同君商舊夢同君記指樹勸君眠  
抱女將君寄以何能寄君蔗味老彌甘交情久更摯不信捫  
胸中三十六年事

古有臨邛令名因相如留君吟之相如乃刺古邛州彈  
琴成雅化餘情付歌謳樂府二十章獨寫千年愁亢可  
義渠激墜可行雲流已淪讓狄濫吳語輸妖浮豈不關  
諷戒慢也言無郵我偶終一曲涕下不可收情至感人  
深蕭韶似此不花欄新雨夜金尊素月秋想見家樂張  
一串珍珠喉樂哉元才子而兼安昌侯

萬木生空山原爲棟梁用君領木魚符來作鞭楠貢爲  
言將作監遠選天壇竿需材十三丈匠石僉曰難有樹  
荒崖藏尺度竟已足黃紬一刺封孤根三日哭官乃祭  
而告萬物本乎天帝爲天用汝汝尚何惜焉不見麒麟  
麟皮剝之蒙天鼓樹聞始收聲甘心受斤斧嗟乎草木

心亦復愛其寶何怪成周雞斷尾固爲好

季孫樹六檟欄柅藉幹心預凶雖非禮作達良可欽蒙  
君贈古杉價等千黃金斑斑狸首色鏗鏗金石音杉生  
萬里外慘淡蟠蒼穹我身七尺強方慮填溝中君爲作  
合之兩美將毋同木附文豕化我抱奇材終贈食一朝  
飽贈衣三冬和何如君之贈千年萬年多惻惻感君情  
朝朝登木歌

蕭松浦中流放棹圖

拙人涉世騎土牛達人涉世乘虛舟舟中有棹且放耳  
世間何處無中流蕭公峽江人廿載金陵住回首故鄉  
山怡然頭屢顧欲喚歸舟勢不能且盡一舟放棹行南

北東西隨處到身不主持但問棹棹作語聲嘔啞去住  
本無心搖蕩隨風斜搖入烟中招白鷺蕩來風裏采蘋  
花有時雷雨掀天大輕輕一葉如雲過海上山崩草不  
知江頭浪險鷗偏以我亦烟波一釣徒年年白髮走江  
湖不愁流出青天外舟上何妨棹并無

哭望山相公六十韻

上界台星落空山老淚流安危天下係知己一生休竟  
拚若繁去誰分聖主憂詔書深惋惜恩禮冠公侯  
四海新祠廟三江舊節樓軍民懸畫像士女咽悲喉賤  
子蒙青盼垂髫到白頭當時初對策衆口共呀咻獨把  
金篦刮高懸鐵網收相扶登玉局學步到瀛洲帝命



稱師傅人爭獻東脩畢北南面蕭絲竹後堂幽若个非  
曾點斯文愛子游噓枯情宛轉善誘語綢繆鎮陝姬公  
遠分符陶令羞誰知搖墨綬依舊傍旌旂淮海才鳴轂  
江東又挾輶官教移赤緊表薦牧秦郵見賞龔黃績深  
期管樂倚南衙風動竹燕寢雨鳴鳩治理同商榷鶯花  
共校讎回天占定力濟物識英猷寬每畱餘地盡能集  
衆謀清標山嶽嶽淵鑑海悠悠鐵牡封疆靜銀刀約束  
周畧知窺斗嶽賴得侍巾褕露小難成雨花低易落清  
西川公洗甲南國我飄漚爲有親需養非關命不猶慈  
雲三度至手板十年抽莊子雕陵鵲陶家欄外牛已經  
甘朽鈍重復受雕鏤烟裏來千騎松間過八騶敲門驚

野鶴走馬捉閒鷗。鼓聲初發朱簾月。在釣不將珠字  
寄。便把木瓜投。籠壁新箋滿。挑燈險韻搜。牙琴賞宮徵  
張。草門龍虬味。許滄澠辨詩容。格律偷偶然。三日別定  
有四更。留捲幔。夫人見。牽衣公子遊。棲霞看水石。西苑  
折花籌。鈴閣麻鞋影。軍門白苧裘。談深人盡怪。坐久夜  
將振。一日天書至。三公內召優。羹須調玉鼎。箸久夾  
金甌。似誠長離別。登車尚遲遲。逢村先駐馬。過嶺必回  
眸。恨恨長淮水。淒淒袁浦舟。寸心輸一送。半而抵千秋。  
南北終乖迕。鱗鴻不自由。人來傳老健。信到忽山邱。今  
歲東巡狩。伊誰冠。見旒驚聞身。乞假還望疾。能瘳豈  
料勲。千笏都成土。一坏于公無憾矣。問國有人不梅。

雨泔泔濕山河渺渺愁魯場端木築楚些景差謳立雪  
心猶在荒莊德未酬羊曇腸斷後永不過西州

哭秋卿四妹

看罷瓊花十四年無端荆樹起寒烟分明一个投懷燕  
化作金棺下碧天

妹以婉難亡

白頭夫婿寄哀詞惹我洩瀾淚不支何苦生前太賢淑  
一家人去兩家悲

幾番邦上偶揚舲乍入門先笑滿庭兒子稱慈姑道弟  
一齊夸與舅家聽

兒爲前室所生

久諧食性藥還問才脫裏衣浣已終寒夜歸來三甌粥  
累君立盡滿廚風

謝家詩筆最幽清  
性喜推敲學更成  
偷眼阿兄閒處坐  
捧箋旁立女門生

端陽時節手書來  
爲賜華姑小玉釵  
今日寄聲乾阿孀  
教他持服更持齋

開眼誰爲骨肉親  
連年手足又傷神  
妹兩弟先亡自憐老淚

無多少偏作人間後死人

和詩亭舍人司馬相如詩

隱于酒者多隱于色者少  
我愛馬長卿竟抱文君老  
當時漢武帝雄心超八表  
五十四年中賢臣何草草  
豈無人才生日炙星光小  
一蹶不自知三族已難保  
汲公終竟危曼倩亦太巧  
悠然消渴人愛病閒居早  
借賦遣光

陰借獵上諫表自有千年名高文典冊好

觀奕三首

悟得機關早都緣冷眼清代人危急處更比局中驚  
張步臨奔悔陳宮見事遲分明一著在未肯告君知  
肯捨原非弱多爭易受傷中間有餘地何必戀邊旁

兒鬢

手製羹湯強我餐略聽風響怪衣單分明兒鬢白如許  
阿母還當襁褓看

謝怙屋郎中惠紗

盛夏忘衣冠二十三年矣偶然檢故箱絺綌綌如洗縫  
人笑而言此事非得已會須購方空亟亟爲經理我道

五十翁此事亦可止譬如老娶妻何必再求美檢取長  
生庫拾舊聊爾爾郎中間之驚遣僕致文綺飄飄蟬翼  
輕薄薄春冰擬感茲君子心自顧野人體不稱未免慙  
有糴亦可喜君如王宏賢來度陶潛履我作阮孚嘆著  
履知有幾衣服服以拜且學古人禮

贈彭共相少詹

野人居深山十事九不理忽聞秋榜發賀者相接趾賀  
者爲誰歟乃是落第子宜毀而反譽使我心疑揣亟索  
中雋文摩挲老眼視誠然髦士烝衡鑒清如水解題必  
鉤元論文輒扶髓浮華掃而空精金不見滓五色間纏  
縵八音巢宮徵屈指百年來此科能有幾不覺願見公

兩足不能已蒙公一笑迎未語色先喜文人共此心今  
朝相印矣當其日勞時焚膏夜繼晷諸生八千卷卷卷  
爲排比劒沒使之升珠璣爲之洗所采青珊瑚一半出  
海底猜某必耆舊來謁果黃綺決某必英俊登門果桃  
李凡公所網羅皆我所懸擬異哉精誠通千里如尺咫  
聞掩耳益聰名糊口不昧復 命公將行有 詔教公  
止江南文獻邦督學汝爲使取汝舊玉尺重量新杞梓  
此信一以傳儒林盡傾耳其夜文昌星繹繹東南指僕  
老無所求胡亦笑口哆抱此秉夷好區區心未死恨不  
作諸生呈文寫生紙始獻五字詩諷誦當瞽史勗公堅  
初心斯文振頽靡會見斗牛間榮光燭天起

少詹和詩

文章各是非可信者其理以法爲體幹如身頂放趾  
以古爲血脈如祖宗孫子其下乃選詞色俾而稱揣  
相者多舉肥難作詎易視竭來典秋賦未飲上池水  
徒思鍼癥結敢曰洞骨髓區區執管見清虛去渣滓  
魚燔雜太羹筭甚亂清微拔千古得五我今竟能幾  
不謂勞先生擊節情弗已使人意也消如已得之喜  
夙昔慕先生仰止誠久矣涓流趨大壑土圭測穹晷  
于今始自信嚮往非阿比寸心本同源如水以水洗  
相知木鑽槃一見桶脫底隨園秋色老芙蓉爛紅綺  
來侍雪階程初御龍門李知我氣不怯席間以劒擬



倒篋出武庫示我文盈尺入口飲醇醉涉目搖糠粃  
卒讀心犁然微在歎觀止韓蘇聽黜陟王楊供驅使  
惟當勸先生蚤速付之梓毋俾天下人聞風食以耳  
傳布大江南捷等臂使指書讀各萬編手抵口復吟  
皆學先生文文心長不死我愚以取士徵債操券紙  
吾門有二妙追陪學文史從公登高呼咸使望風靡  
戲爲學步吟敬代請益起

雨亭詩亭采菱隨園作采菱曲

隨園九月秋風煖綠覆一塘菱葉滿騷人都道水羞佳  
爭脫荷衣爭攘腕小舟一葉繫垂楊雨雨三三自作行  
誤惹萍絲嫌臂滑偶畝蘭漿爲風狂風停共指前溪好

驚起一雙鷗鷺鳥摘葉休驚碩果稀殘紅半落江湖老  
四角雙稜薦未多分明滿席有烟波嘗來野外清幽味  
合唱吳娘水調歌主人當筵三嘆息眼前草木生區別  
芙蓉窈窕萬枝花底事無人采紅雪

渡江大風

水怒如山立孤篷我獨行身疑龍背坐帆與浪花平纜  
繫地無所罣鳴鵝有聲金焦知客到出郭遠相迎

重登燕子磯遊永濟寺作

一回舟過一回登垂老江山感不勝題句有心尋四壁  
高樓無力上三層重摩殿後千尋石不見堂前百歲僧  
默默暮雨愔愔風悄悄鐘聲催點客船燈

江中望棲霞山色弔尹文端公

推篷底事忽淒然望見棲霞一角懸  
往日風花迎上相  
祇今宮殿鎖秋烟難忘蕭寺傳箋處  
永斷程門立雪天  
料得多情羊太傅魂歸還到此山巔

酒旗

客中誰勸醉如泥賴有旗懸野店西  
望見一竿村便好  
未停雙轡馬先嘶風狂似欲招人急  
花落遙知取價低  
我是天涯倦遊者也曾小住喚偏提

花慢

花太嬌紅病易侵爲他張幔結層陰  
敢遮赤日當天影  
恰是慈雲覆物心甘后帳深難辨玉  
阿嬌屋好那須金

平生怨雨愁風意每倚雕闌思不禁

掃墓

五十還鄉客孤單尚一身白頭人掃墓愁殺墓中人

過葵巷舊宅

有序

余七歲遷居葵巷十七歲而又遷居以故孩提嬉遊處惟此屋記之景真四十年來每還故鄉過門畱戀今乃得叩閭直入

兒時老屋喜重經鄰叟都疑客姓丁學舍廳猶開北面桂花枝已過西廳驚窺日影先生至高誦書聲阿母聽此景思量非隔世白頭爭禁淚飄零

題桂樹

笑帝多少兒時事一一難瞞是此花今日相逢花解語  
也應喚我主人家

別時悔不把花量別後花添幾尺長惆悵風前一回首  
負他三十七年香

一枝曾折廣寒宮貧賤交情老更濃笑我歸來無別贈  
幾行詩當錦衣封

贈高嵩瞻觀察

當時落魄帝城東兩脚行滕類轉蓬脫粟一甌誰飯我  
屑停三月敢忘公儒林身負三朝望廉吏家餘四壁風  
慚愧王孫恩未報千金還在此心中

贈吳紫庭方伯

官鼓寒寒浦未聞探知衙散一瞻韓感人叔子聲名遠  
款客嚴公禮數寬乍接春風心已醉重逢舊雨座增懽  
謂鞠未峰太史白麟猿鶴山林性卿月當天也愛看

記持手板傍門牆公子趨庭事未忘一卷文章曾盥誦  
廿年雲海竟分翔臯夔應羨巢由逸蒲柳終輸松柏蒼  
寄語中朝老司寇舊參軍已鬢如霜司寇官秦中命故爲公閱文

在杭州晤若生太史卽事有贈

聞君遠在會稽山欲往從之江水艱聞君近來會城裏  
未見君顏心已喜扣門呼君君未應湖州太守先相迎  
平生識面渺難記主愈殷勤客愈驚爲言往日長安居  
曾與我甥同讀書曾蒙我姊賜梨栗曾識我婦顏豐姝

三十年前事恍恍昔日兒童今官長憐才念舊意纏綿  
紫綬金章氣蕭爽喜君來結多豪賢感我清霜滿鬢顛  
推排人世一老物鴻泥何處非前緣鄉人飲我吳山頂  
拉君同往看山景萬戶煙鋪屋瓦平一天雲過杯盤冷  
烏鴉飛飛暮色蒼與君重登太守堂新詩未讀一卷盡  
夜鼓已作千回撞我歸蕭寺君渡江相思明日仍茫茫

卅年

卅年不到舊鄉村村換人家里換門爭怪武夷君下世  
公然開口喚曾孫

還杭州五首

望見故鄉城如入前生界茫茫事全非歷歷夢還在離

鄉四十年一宿無廳解權僦老僧菴得庇敢嫌隘兒童  
爭聚觀疑我來天外我亦自孤悽將身當客待朝出意  
尚欣暮歸寂難耐殘燈壁間小朔風窗外大  
骨肉只一人阿姊十年長叩門往見之白髮垂兩額聞  
聲知弟至迎出精神爽絮語自知多堅坐頻教強相約  
大母墳明朝一齊往當年侍慈顏惟姊與我兩今朝莫  
酒凝知否魂能享姊是七旬人弟搖千里槩此後來者  
誰一慟何堪想

朝呼與夫至色然視我驚母乃我與以彼此有平生與  
夫拭其目再視再嘆嗟道我新婚時渠曾推壻車翩翩  
小翰林容色如朝霞胡爲久不見一老如斯耶與夫言



未終我心生隱痛如逢天寶翁重說黃梁夢

杭州數名勝動說西湖好我來逢冬乾西湖比前小風  
緊不成波泥淤時露艸姑蕩扁舟行一覽使心了邱壑  
認新舊亭臺評拙巧雲結畫情情木落山悄悄自笑作  
陳人登臨亦不早所得寒風多所領遊趣少

飛鳥別故林啁啾如有恨胡馬戀舊槽悲嘶足不奮矧  
我父毋邪曰歸豈不願奈揭白門久歸期竟難問趁此  
小住閒忍負光陰寸從前半面交一一敲門認兒時所  
踏土處處雙鞋印晞晞繼燭路過還回驛人問子胡  
然一笑指雙鬢

喜晤張有虔先生却寄二十四韻

見說先生健相逢喜欲狂人間留碩果天上自斜陽憶

昔垂髫日常蒙過學堂攜衣趨典謁傾耳聽琳琅善謔

天花落深談塵尾忙師威因客損講席爲誰涼一日同

文戰三人列上庠枚與先生及受業師同入學扶看棘闌月領探泮

芹香簇簇聯壇社紛紛共酒漿嬖媿小童子追逐丈人

行白樺蒙求句黃門急就章捧書爭請益下筆替商量

此豈前生事公然五十霜華嚴齊歷劫鴻爪各紛翔鉛

水銅仙淚滄波碧海桑者番習鑿齒重到舊襄陽故國

烏頭白先師墓木蒼西河尋子夏東觀剩中郎足不持

筇步牙猶比玉剛格驚唐繡慶殿愛魯靈光視我年還

幼因君老亦忘黃昏燈閃閃春夢影茫茫蒲柳衰如許

松筠體正強何當學雞犬長得侍淮王

十二月九日舟凍毘陵苦寒排悶

紅日不動雪驚沙時鳴鴈恃酒敵寒威未戰先已降矧  
我遠行役臘盡才歸艘朔風如奇兵一夜抗長江堅冰  
戕戕疑千篙難擊撞糧盡思繼粟村荒斷炊爨舍舟思  
呼車陸行無徒扛墨澀遲走硯燈危屢墮釭幾乎死此  
處斫樹收窮龐羨殺枝上禽衝風還飛雙

白頭

白頭人到莫愁家寄語兒童笑莫譁若道風情老無分  
夕陽不合照桃花

杭州隴上作

七歲曾焚隴上香  
六旬重到感秋霜  
回頭笑問諸松樹  
我昔來時汝怎長

鮑文石三十索詩

半窗修竹半牀書  
不賦長楊賦子虛  
生就騷人風骨冷  
愛閒多病似相如

已熏生紙搗黃庭  
更寫雲烟上畫屏  
門外一湖春水綠  
書聲時有野鷗聽

三十郎君鬢未凋  
懸弧時節正秋宵  
諸公借此稱觴意  
各把新詩寄鮑昭

小倉山房詩集卷二十三

壬辰癸巳

錢唐袁枚子才

元日送王對亭舍人入都

今年元日春風來一何遽不吹梅花開翻吹人去故人當代王江寧清才落筆鏗威英贈余四首新詩成滿山歷落珍珠鳴山人平生狂頗頗海內孤行我爲我忽然張眼見替人自覺此身老亦可花慢曲采菱歌與君賡唱何其多方擬雲龍相逐不可一朝隔而乃烟帆欲別將如何思君情難裁留君口難說敢貪風月有吟朋不使鳳鸞朝玉闕滔滔江兮蕭蕭馬送君行兮往日下喜青雲之路長傷白頭之交寡儂君無酒空有詩要君

展卷長相思彤廷奏罷三千牘早折瓊林柳一枝

再咏錢

殺人何必定錕鋸錢以刀名卽巧屠繞地枉教呼阿堵  
此身方且屬洪爐錙銖潤物皆爲德百萬貽人轉笑愚  
寄語鐵鐸畫壁者可曾悟得此情無

從無束縛受人憐別有金刀准五千天寶洗兒悲白髮  
景龍撒帳憶青年水衡小靳山資足銀艾雖枯荷葉鮮  
底事從容消受穩不曾一勺飲貪泉

集升文端公贈詩卷然如束笋感而有作

三年人未釋心喪展卷重看墨萬行偷得公餘吟雅頌  
生來天性愛文章龍蛇字在蘭亭杳絲竹聲希孔壁荒

苦把碧紗籠不盡又熏香草登空箱

再檢海內諸公投贈之作得一千九百餘首亦紀以詩

忽忽名場四十年珠盤幾度捧賓筵隻身寵荷詩千首  
八表雲停水一天猿鶴易招詞客咏容華難得別人憐  
何當妙寫研光紙排作屏風障兩邊

曹地山少宰爲祭告使者入山索詩

花外金鉦響山中鳥雀奔隣驚天使至我愛故人尊澤  
國持英蕩皇華咏駟蹕是誰能典禮有詔許乘軒馬  
借飛龍廐旗張元武旂官銜唐吏部寵眷漢公孫艷艷  
春三月彭彭朱兩轡亭公腰插弩郡將手扶韉路築王

人館庭羅小國繁一鼎先破鏡三咤再開樽蒼壁尼山  
數金泥岱頂捫咨詢盡臣職得句亦君恩爲主明陵  
祭還來白下村鶯花都識面桃李半趨門石可三生認  
才經幾度掄公一督學一主試望塵思御李訪舊忽推袁鬚髯  
同驚白滄桑各斷魂雲泥情脉脉雞黍話番番可記瓊  
瑤贈應無縞紵存丙寅公過江寧蒙賜石印以東報之八騶齊放仗四  
牡走窺園小吏穿雲立材官折柳蹲摩挲銅狄古敷坐  
石牀溫索我新詩贈知公古道敦自慚才語盡難共達  
官論努力廉頗飯公夸健飯每日十盂休忘安石墩他時憶鴻爪  
展卷卽泥痕

謝書巢太守贈羊裘



我自黑貂敝便作青山遊山中朔風時詩骨寒颼颼東昌  
太守賢遠寄三英裘慮我高卧僵牛衣淚暗流得毋釣  
澤中少人物色不特加尺素書星飛千里郵其色白如  
霜稱我雪滿頭其醜深而溫勝于姤女柔我乃招縫人  
配以朝霞袖鍼衿一以畢吃吃笑不休我本陰重客而  
兼陽虛侯常苦就瘴累敵寒如敵仇忽然毛羽豐堅冰  
吾何憂縱與狐貉立不悛亦不求曹交九尺身晏子三  
十秋俱蒙使君管春風生衣襟昔者輕裘共聖門稱仲  
由又聞曹夫人官綿貽楊彪較此將毋同高情尤綢繆  
報君無寸片勉君敢一謳願持羔羊節善把魯民鳩願  
推白傅心長裘覆九州會見五穀相賢名重山邱

湘山子四十歲索詩

道藝無二理所貴非名高苟能息之深神解同超超延  
陵湘山子風骨含孤標身爲孔顏徒庠序推英髦更兼  
岐扁術湯液回枯焦我有小妻疾尸厥形神消自分無  
生理巫祝紛喧呶君能奪之還白日走夔魍我又偶病  
臂徹夜常呼晷君來排羣醫道此非虛枵但使氣宣流  
脉絡當自交果然勿藥喜搜網如生孫今年君四旬華  
堂介春醪寄聲索我詩一曲當雲璈且曰勿言醫醫恐  
庸人嘲我乃大咍曠所見何拘膠昔者女媧氏醫天將  
石敲更有軒皇來醫地斷六鰲羲和能醫歲陰陽四序  
調夏禹能醫水民居輟窟巢堯舜醫盛世薰風吹鬱陶

湯武醫衰世太白揚旌旄周孔醫萬世烝烝文治昭醫  
日必伐鼓醫山必禁樵醫隅必藏水醫潦必登蛟古之  
大神聖誰非醫中豪而况岐扁術其權勝藥臯藥臯不  
遇時窘束無寸勞岐扁縱賤貧觸手皆恩膏不見無且  
藥猶臧荆刺刀所慮偶失之常射不中招九折臂易耐  
十全功難要喜君正盛年嶽嶽而籌籌清臚察癰結孤  
詣通烟霄診脉如鑄鼎神姦無遁逃難經八十篇分寸  
釐忽毫一一學巧屠骨節俱搜牢用藥如用兵決戰鬼  
門歷本草三千味擒引毒熨燒運用得所宜何敵不可  
梟從此再精進析理窮牛毛仁術本仁心勿吝更勿驕  
濛濛黃土人誰非吾同胞四十尚如此五十寧可料神

農且仰企化人且遊遨人壽君所與君壽天難操笑彼  
東方生躍促偷蟠桃

三月六日夢尹文端公

已絕人天路不通無端昨夜坐春風離離燕寢清香在  
欸欸慈雲笑語同白髮三更紅燭短黃雞一唱絳帷空  
莫嫌夢境迷茫甚到底今生又見公

答似村見寄

一章詩抵萬瓊琚維誦風前恨有餘遼左雁行齊返否  
相公馬鬣近何如諸公子薤春花又落同眠榻秋雨還  
沉隔歲書去年所寄晚甚矣吾衰君莫問鬢絲兼不似

當初

聞樹齋提督九門喜賀以詩

郎君官拜執金吾野老風聞膽亦竊九扇天門新管領  
六街赤棒正傳呼那須當戶夸封爵如此司閹信丈夫  
料得心閒還戲問娶妻兼得麗華無

以竹葉粽餉客分賦一詩

山裡行厨事事新楚臣遺製更清芬永筐擬造青精飯  
采葉剛逢孤竹君五月端陽菱共小一章華黍節先聞  
諸公應笑便便腹不嚼紅霞嚼綠雲

尤貢父以歡喜團見餉再與諸客分賦

蒙贈吳王珠滿筵離離擎出水精盤耳邊歡喜名先好  
世上團圓物亦難亞飯宛同雲子白賞花宜對繡毬看

小雅山房 卷二十三 五  
嫦娥似鬪如規影柳外吹來月一丸

三伏

空山三伏閉門居衫著輕容汗有餘却喜炎風斷來客  
日長添著幾行書

謝南浦太守贈芙蓉汗衫雨前茶葉

夫容裳賜野人家當作吹綸敢拜嘉周勃永教無浹背  
西施何必浣輕紗解襦粒粒珠猶濕裛甲層層暑不加  
吩咐柔荑好裁剪晚風披看白蓮花

四銀瓶鎖碧雲英穀雨旗槍最有名嫩綠忍將茗椀試  
清香先向齒牙生書交栢葉仙人寄味比江城太守清  
好色相如最消渴被公知道舊風情

七夕後三日尚衣局寅公過訪山中賦詩奉餉  
肯移八座訪墻東雲外旌旗柳外紅涼意帶來車上雨  
香心同對藕花風彈碁子響千峰上論事情深一笑中  
忘是尊官忘是客杯盤草草竟留公

贈李耶

耶爲尹文端公從者別七年矣入山感舊與至  
書舍檢文端公手迹皆耶當年所持來者於邑  
不已因口號三絕句贈之

未入門先兩眼紅知卿感舊意忡忡十年重到前遊處  
可是山中是夢中

鳳臺月榭幾回新世事滄桑那可論一个漁郎比前老

八卷上  
桃花相見也消魂

上相當年賜和章是誰騎馬替傳將而今同啓紗籠看  
一紙雲烟淚萬行

例有所避將遷滁州留別隨園四首

不教朱邑祀桐鄉看過梅花便束裝頗似神仙逢小劫  
敢同佛子戀空桑葛洪行具書千卷顧凱雲烟畫一箱  
泛宅浮家隨處好只憐白髮有高堂

卜築隨園事偶然風光冉冉竟華顛池開平地都成浪  
手插楊枝半拂天九曲房櫳雲宛轉三春士女影翩跹  
生憎一片桃花水留住漁郎二十年

故鄉回首夕陽斜擬賦歸歎百事差西子湖邊無瓦屑



醉翁亭下有桑麻休移銅狄先垂淚拚捨河陽再種花  
仙鶴郊迎鷺鷥送詩人從古愛還家

搖鞭不待管絃終此意分明達者同去住我原羈旅客  
湖山誰是主人翁看花有福三生定成佛無難一念空  
吩咐青溪江令宅年年管領托春風

送李竹溪太守還河間

木正清霜水正波故人白髮走關河官雖捨去留名耳  
別亦無妨奈老何班馬長鳴還小住河梁同上各悲歌  
九原泉路交期在切莫臨風涕淚多

和簡齋同年送行韻

李 棠

奮身炎海出風波重訪園林泊上河

舟泊君是傳人

原不朽我將終老定如何相看白首應初服便對青  
山大放歌留得此身強健在管教後會比今多

遷滁不果

欲去重回棹還山又看春想緣因果在前世六朝人

夢醒

橐橐更何促沉沉夜未央金燈紅漸淡也算小斜陽

晚菊和蕨泉觀察韵

千紅萬紫盡飄流開到寒花歲已周晚節不嫌知己少  
香心如爲故人留影搖落葉東籬短簾捲西風小室幽  
白髮淵明誰作伴一枝黃雪滿庭秋

斷霞殘月兩相妨裊裊輕烟澹澹粧九曲燈屏難寫照

一生風骨不知霜性甘寂寞香才久夢醒繁華壽更長  
收取落英充晚膳山妻早製鎖雲囊

程南耕八十歲索詩

江城深處有神仙客罷公侯隱一廬口嚼紅霞年八十  
手編青史卷三千先生修明史耳聾不妨耳冷人間事原自心  
遊物外天知道寶王諸奏稿早隨寶唾付雲烟

野人廿載賦閒居得接芳隣慶有餘見面預安雙管筆  
每相見以焚香常捧一函書黃梅照酒香雖冷葭管飛  
筆代口灰日漸舒豈獨添籌兼問訊啓期三樂更何如

戊寅春失玉履一隻已卯秋得之賦詩紀事今冬

又失去

曾續鸞膠十五年者番重別更飄然想因刻作雙鳬樣  
故爾長飛小雪天去似逃奴偏結伴履外兼失致匪九件住非丹  
大竟成仙老夫一笑渾閒事何處麻鞋不踏烟

席上贈楊華官

即小字華官沈文  
慈公字曰澧蘭

一曲歌成楊白花生男從此重楊家泥金替寫坤靈扇  
當作三生繫臂紗

幽情真个澧蘭如前輩標題字豈虛檢點侍兒小名錄  
不禁腸斷沈尚書

美如任育兼看影清比荀郎似有香禁得風前訴幽咽  
華清閣下咏霓裳

方演張生殿

三月六日作

有序

金婦小妹鳳齡鬻昌門爲女奴余贖歸之年才  
十四巧笑流麗有依妙而終焉之志余老矣不  
欲爲枯楊之稊爲擇少年郎嫁之臨行泣下余  
不能無情乃作是詩

香山那忍遺楊枝也費燈前十日思紅杏太嬌春色小  
白頭如許夕陽知此眉美玉看原好入手明珠去恰悲  
寂寞蕭蕭背花坐避他含淚上車時

移竹

移取琅玕三五枝半遮樓閣半臨池佳人倚袖寒猶薄  
高士遷家醉不知要識虛心隨處好莫矜晚節出山遲  
瀟湘帝子淇園客忽捲疎簾某在斯

第三句一作碧鸞  
尾聲先到

乞花

但見紅粧意便傾，狂言忽發紫雲驚。  
鶯啼樹上非無主，春在人家倍有情。  
解語定教回面笑，聞香先自出門迎。  
平生風骨峻嶒甚，每到低頭總爲卿。

前二首學士盧公課士題也，嫌諸生詩于移乞二字未甚刻劃，見余此作曰：「老阿婆壓倒少年矣。」乃重賦兩章，博馮婦下車之笑。

柯亭昨夜雨淒淒，閒倚闌干待鳳兮。  
無物可醫人世俗，有君便覺女牆低。  
龍孫族大分宜早，玉笋班新立不齊。  
可奈山風欺不到，一竿吹仄杏花西。

移竹

偎紅倚翠久踟躕，忽唱丁娘十索歌。  
擬欲分香學韓壽，

轉將割愛勸維摩。春非買得開。應少物是求來。寵更多。  
灑掃園林安置酒。待他蜂蝶也奔波。乞花

盧學士書來乞花。盧壬申殿試第三人也。寄詩調之。盧亦余戊午同年。

一紙瑤華芳訊通。探花郎作乞花翁。關心盡榜人猶在。  
回首瓊林夢已空。難得衰年同臭味。願將小艸贈東風。  
只愁桃李門牆滿。未必殘春在眼中。

有恨

老夫最識花情性。折得花先贈少年。豈料將花投苦海。  
不如拋擲路旁邊。

讀胡雲坡觀察題封嫂氏奏疏有作

唐代韓侍郎爲嫂服制期其禮以義起相傳古所希我  
我觀察公行事遠相師奮乎百世下高風冠等夷身膺  
三品封愾然有所思揮淚草奏章九拜陳 丹墀曰臣  
有寡嫂撫臣如母慈臣生而孤露遭家不造時椿萱相  
繼亡棠棣先後摧千鈞懸寸髮一嫂一孤兒兒未落齔  
齒嫂爲哺渟廢兒裁脫文葆嫂爲製裳衣馬鬣嫂爲封  
蘋蘩嫂爲尸傳經嫂辟咎授室嫂扶持倘無臣嫂在臣  
身不可知臣今逢 覃恩乞爲嫂氏地例雖格外破  
恩從天上施 聖主聞惻然不復延臣咨 特詔如公  
請黃封旁午馳頃刻紫泥章煌煌華表垂行人過之嘆  
閭里賀者窺嫗媼喜相告茹荼如甘飴百姓興於仁孤



稚戚孀婦從前旌節孝綽楔施門楣于今封命婦裙翟  
耀宗祠賤子讀公疏涕下如縷縻感觸天人理爲公前  
致詞周易六十三卦盈虛消長機積善有餘慶事難旦夕  
期苦節終乃甘理不差毫釐而况非常恩必有所自基  
水非源不流木非根不滋在昔宗伯公易學探深微上  
殿講河洛屢頌 先皇願甘盤雖舊學伏生已年衰惟  
其裔者厚是以葵之冠天將生我公先生嫂撫之在嫂  
非望報盡其分當爲在公非沾名行其心所宜懿哉盛  
德事相映彌光輝願公持此心卽以佐明治推廣一家  
仁遠爲萬民貽濟德闡其光孤寡拯其危會見早夔業  
千秋仰巍巍

小意  
卷二十三  
二  
哭聰娘

曾以專房受重名一朝緣盡夜三更少姜不作旁妻待  
長妾原兼舊雨情難向空王問因果早知薄福是聰明  
韋郎兩鬢衰如許就使重逢已隔生

記得歌成陌上桑羅敷身許嫁王昌雙棲吳苑三秋月  
並走秦關萬里霜換是手調才有味話無心曲不同商  
如何二十多年事只抵春宵一夢長

巫山雲影竟銷沉神女遺踪尚可尋侍疾不教衣帶緩  
看書常伴燭花深諸姬學禮推前輩中饋叅謀費苦心  
爭奈妙蓮花少子半生枯坐淚淫淫

無端骨瘦似香桃霜襪紅蘭質易凋攬鏡自知無藥救

呼巫還望有魂招零星簪珥生前散約畧容顏病後描  
千遍叮嚀萬回囑莫教孤冢艸蕭蕭

求耐堇先  
塋之側

揚州秋聲館卽事寄江隄亭方伯兼簡汪獻酉

白門遊子醉華筵五月邗江細雨天難得風人招酒士  
萬花叢裡小遊仙

梨園人喚大排當流管清絲韻最長剛試翰林新製曲

依稀商女唱潯陽

舊生  
故事

太史新製秋江一闋演白司馬

悲郎嬌小影伶俜嚶嚶歌喉隔畫屏好似流鶯囀高樹  
不教人近只教聽

雲鬟婀娜繡裙斜素手彈箏客不譁一个吳娘風調好  
當他二十四橋花

後堂襍戲影橫陳  
覆鼠籠鵝伎更新  
記得空空傳妙手  
幻人原是女兒身

首坐開元白髮翁  
涉江無路采芙蓉  
多情幸有汪倫在  
代指巫山十二峯

雌雄風急夕陽遲  
未聽秋聲髣已絲  
露下櫻桃燈下柳  
教人各自惹相思

回首青山隔暮潮  
一雙蘭槳送歸櫈  
班班衣上香痕滿  
都是揚州酒未消

聞魚門吏部充四庫館纂修喜寄以詩

文思天子搜遺書  
予以文名領石渠  
士安不用借五車  
嬋媛福地張華居  
憶昔蛩蛩附蜉蝣  
虛兩家簡牒爭搜儲

愛而不見心瞿瞿一朝去我翔天都明堂大開招羣儒  
青藜太乙從從趨四千年物盡晚輸朱文綠字體製殊  
龍威玉牒元皇符漢唐所少元明無咸集舜陛來堯衢  
西山光芒燭太虛子與蘭臺諸大夫雙眸一巾牟尼珠  
部居別白分鎔銖銖難讀盡在須臾但觀大畧亦足娛  
有如餓腹餐天厨菜頤未動口欲吐又如大海遊蟬魚  
恣汝鬪饜樂有餘問誰有此遭逢歟領百萬軍恐不如  
我猶未免爲鄉愚聞見狹隘探索踈側身西望空嗟吁  
不能從子爲書奴但願抄其目寄予俾得約畧知些須  
此身不負生唐虞

禱書三絕句

鷺鷥立釣磯。獨自理毛衣。緩步向前去。試他飛不飛。  
秋星淡。孤燈霜葉下。涼雨萬籟寂。無聲磚縫一蟲語。  
半夜忽驚醒。無言心自嘆。今宵霜降矣。忘却護幽蘭。

自贈

一个飄蕭桑苧翁。焚香掃地住牆東。有花招客身難隱。  
無力圍牆聚盡空。不飲已經成半士。養親兼可做三公。  
只愁朝夕編摩慣。書卷如兒要送終。

箴作詩者

倚馬休夸速藻佳。相如終竟壓鄒枚。物須見少方爲貴。  
詩到能遲轉是才。清角聲高非易奏。優曇花好不輕開。  
須知極樂神仙境。修煉多從苦處來。

節母詩爲淮安陶太守作

有序

太守名易文登人母呂氏寡居易以從子嗣家  
故貧也冒雪採薪爲枯枿所戕指血泫泫然夜  
輒煨芋慰誘易讀書易貴後狀其事索詩

東海慈雲擁絳紗長沙太尉舊人家恐將銀管千枝筆  
難寫靈萱一樹花

黃鶴飛飛翼早乖嬭嬭爭不赴泉臺嶼嶼裁抱尊章老  
了却君家事再來

烏啼月落夜窗空親授兒書讀未終試看採薪風雪裏  
阿娘手爪爲誰紅

隣家聞有賣兒人施與裙釵替贖身誰道梅花風骨冷

一重冰雪一重春

兒今五馬領淮南望見蹲鴟淚便念記得當年煨蘊火  
膝前賜與十分甘

風詩唱徧魯陶嬰天上金章幾度旌寄語世間諸母氏  
佳兒不必自家生

和南浦太守產鶴詩

聞說生雛鶴亭亭畫檻東似添兒女累長使稻粱空浴  
羽憐初白銜花弄小紅遙知翁與子對舞一天風  
仙種君家度君詩分外清乘軒夸兩代取箭記三生喬  
梓高低映鸞鳳大小鳴黃堂真綠野一片九臯聲  
以錦雞贈鶴主人繫之以詩



山雞棲慣舊山梁忽把雕籠獻畫堂怕向荒村藏錦繡  
教陪太守輝文章臨行代刷新毛羽入座休驚小鳳凰  
寄語羊公諸鶴伴朋來自遠莫參商

九月十七日蕙泉觀察招同人賞菊分得七古一  
體

蕙泉先生事事雅手握菊花秋滿把替花作主招酒人  
也須人淡如花者捲起湘簾錦作堆黃雲紫雪何處栽  
花密不妨人亦密九客團團坐打圍高燒銀燭將花照  
人影花容同一笑水近秦淮氣自清風來小苑香尤妙  
先生嘉肴鼎鼎陳甘脆不數仙家珍齒決未終頤又朶  
一時忙殺餐英人陳郎十七美無此分明月桂小兒子

八卷  
卷二十三  
三  
郎父名佳官 佳人兩代貌依然 賤子傷心吾老矣 銜鼓葵葵  
漏漸長月華照見車上霜我辭花出向花語願與先生  
同晚香

題王嶰谷明府秋林遺照

壬申歲五月余遊華嶽山道逢王夫子新交如古歡 遇  
險輒相扶逢奇必共嘆 君至青柯坪崎嶇怯路難余勇  
上二里亦復自崖還 出所媿鳴牖佐我盤中餐歸宿華  
陰署張飲重盤桓 嗚呼二十年春夢久闌珊何圖夫子  
容重向畫中看 呼之如欲出卽之骨已寒 老淚不能忍  
落紙先斑斑

畫中何所有 湘水三間屋 疎簾乍捲開 萬木一齊綠 先

生梯几坐攜書此中讀聽鶴唳烟霄呼童理花竹如此  
十年餘娛老亦已足人言君達者勇退返初服我道君  
循吏賢者而後樂非有冀黃軫難享林泉福請觀世公  
卿誰能遂此欲

生前一見緣前生必有以死後一見緣賴君有賢子公  
子抱異才觥觥有文理醫術奏彤廷上方賜文綺偶  
作白下遊遠掉長江水抱圖索我題謙執子姓禮知君  
在泉臺聞之心必喜不喜賤子名得留君紙尾喜昔華  
山朋依舊相扶倚他日九原逢一笑可知矣

黃昏

深春客散掩柴門覓句閒行綠淨軒夕照已沉燈未上

最無聊賴是黃昏

古牆

古牆庭院角經歲樹陰遮幽絕無人見青苔作小花

雨花臺懷古

大梁皇帝講經坐三十六天雨花墮無遮大會萬萬場  
斷髮焚身舉國狂羣臣彌月亡所天迎鑾三到蒲團邊  
皇帝贖身身價貴一百萬億青銅錢麴作犧牲供寢廟  
衣裳不剪飛禽貌可惜慈航度跛奴滿殿血流僧不掃  
一聲鐘打六朝空青蓋黃旗盡捲風單于宮與昭陽殿  
同在寒流滅沒中